



Enkontru Orientasaun Serbisu PNDS, husi Vice Ministru MAE, Tomas Cabral

**Vice Ministru Administrasaun Estatál Orienta Funsionáriu PNDS Hametin Kordenasaun Serbisu PNDS ho Autoridade Sira Iha Munisípiu.**

Lia fuan hirak ne'e fo sai, bainhira S. Ex. Vice-Ministro da Administração Estatal, Sr. Tomás do Rosário Cabral, lansa enkontru ba dahuluk hamutuk ho funsionáriu PNDS Nasionál, Kordenadór PNDS Munisípiu 12 ho Kordenadór PNDS husi Região Administrativa Especial Oé-cusse Ambeno (RAEOA), iha salaun enkontru Ministériu da Administrasaun Estatál-Dili (10/08/2015).

Iha enkontru ne'e S. Ex. Vice Ministru informa katak bazeia deketu lei N.O 30/2015 Governu halo alterasaun ba artigu balu iha Dekretu Lei PNDS N.O 8/2013, no husi artigu ne'e Vice Ministru informa programa PNDS hanesan programa ne'ebé konsentra iha base hodi tau atensaun liu ba iha infraestruturá báziku, tanba nee presija hadi'ak kualidade servisu atu nune'e bele prepara didi'ak Munisípiu sira hodi simu polítika governu ninia ba iha descentralizasaun, tanba iha polítika ne'e governu hakarak fo ona kompetensia balun ba iha Munisípiu ida-idak oinsá sira bele decide no dezenvolve rasik sira nia munisípiu, ninia pratika konkretu mak liu husi implementasaun Programa PNDS. S. Ex. Vise Ministru mós orienta funsionáriu PNDS liu-liu iha nivel Munisípiu atu dezenvolve no fortifika liu tan liña kordenasaun servisu ho autoridade lokál sira tantu iha nivel Munisípiu nomós Postu Administrativu, Kordenadór PNDS sira kontente simu orientasaun ida ne'e, tanba ho orientasaun ne'e sira bele koopera di'ak liu tan hodi nune'e bele asegura implementasaun programa PNDS iha Suku ho susesu.

**FONGTIL Organiza Enkontru Parseria ho Governu Kona-ba Implementasaun Programa PNDS**

Enkontru Parseria entre Sosiedade Sivil ho Governu ne'ebé organiza husi FONGTIL koalía kle'an liu kona-ba progresu implementasaun Programa PNDS, enkontru parseria nee hala'o iha salaun enkontru FONGTIL, Caicoli-Dili, (09/09/2015).

Diretór Ezekutivu FONGTIL, Sr. Arsenio Pereira da Silva, iha nia intervensaun hatete enkontru nee importante tebes ba NGOs sira tantu NGOs lokál nomós NGOs Internasionais sira hodi bele apár no akompaña progresu implementasaun programa PNDS ne'ebé agora la'o hela, nune'e informasaun hirak ne'e bele ajuda NGOs sira atu halo atividade monitorizasaun. Enkontru nee rasik partisipa direita husi Diretór Jeral Desentralizasaun Administrativa, Sr. Abilio Jose Caetano, nu'udar representante Vise Ministru Administrasaun Estatál, iha ninia diskursu hatete katak programa PNDS hanesan programa ida ne'ebé konsentra liu ba iha infraestruturá bázika ne'ebé comunidade rasik mak identifika tuir sira ninia nesidade, iha implementasaun programa ne'e comunidade rasik mak sai hanesan autór.

**PNDS**  
Hamutuk Ita  
Dezenvolve nasaun

Outobru 2015

**Progresu**

**Pilotu: Remata ona**

**Faze 1: Remata ona**

**Faze 2: Etapa 11 / 12**

- Kompleta Konstrusaun
- Enkontru Akontabilidade Final, Auditoria & Evaluasaun.

**Faze 3: Etapa 8/9**

- Finaliza Kontratu ho Komuidade no Mobilizasaun Trabalhadores hodi implementa Projetu.


**Faze 1 Siklu 2 : Etapa 4/5**

- Formasaun Ba EJS
- Determina Prioridade




## Prioridade sira Iha Nasionál

### Faze 1



### Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

## ST-PNDS Realiza Treinamentu Ba Fasilitador Tékniku Postu Administrativu

Atu melhora liu tan servisu iha area tékniku iha suku no aldeia, Sekretariadu Tékniku Programa Nasionál Dezenvolvimentu Suku (ST-PNDS), realiza Treinamentu ba Fasilitador Tékniku Postu Administrativu (FTP) kona-ba Planeamentu no Jestaun Obra, hanesan Eletrisidade, Konstrusaun no Ponte Kiik iha Centro Nasionál de Emprego e Formaçoao Profissional (CNEFP), Tibar (31/08/2015).

Treinamentu ne'e nia objetivu atu aumenta koñesimentu FTP sira nia liu-liu iha area Tékniku espesialidade atu nune'e bele hala'o servisu ho efisiensia no efikasía iha suku no aldeia. Matéria treinamentu hirak ne'ebé hetan iha treinamentu ne'e sai hanesan bukae ida ba FTP sira, atu nune'e bele fasilita comunidade sira hodi garantia qualidade projetu infraestruturaz bázika ne'ebé implementa direita husi comunidade.

Treinamentu ne'e hanesan parte ida atu dezenvolve no aumenta tan Fasilitador Tékniku Postu Administrativu nia abilidade liu-liu iha area tékniku, atu nune'e bele fasilita comunidade sira iha Suku ho di'ak liu tan", Rosito Guterres, Xefe Departamentu M&A. Treinamentu ida ne'e hala'o durante loraon 10, hahú husi loraon 31 Agostu to'o iha loraon 11 fulan Setembru 2015. Total FTP sira ne'ebé partisipa iha treinamentu ne'e hamutuk ema 33, mai husi Munisípiu 12 ho Região Administrativa Especial Oé-cusse Ambeno (RAEOA), liu-liu iha Postu Administrativu ne'ebé ninia suku implementa Programa PNDS iha faze 3.



### Treinamentu ba Fasilitador Tékniku Postu Administrativu Iha CNEFP Remata

Iha loraon 11 Fulan Setembru 2015, Treinamentu kona ba Jestaun Obra ba fasilitadór tékniku postu Administrativu (FTP) ne'ebé hala'o iha Centro Nasionál de Emprego e Formaçoao Profissional Tibar (CNEFP-Tibar), ofisiálmente taka husi Kordenadóra Jeral Programa Nasionál Dezenvolvimentu Suku, Dulce Guterres Junior.

Iha enserramentu ne'e, Kordenadóra Jeral PNDS, enkoraja fasilitadór tékniku sira atu servisu maka'as hodi nune'e bele asegura implementasaun programa PNDS. Treinamentu ne'ebé imi hetan, aumenta tan imi nia abilidade atu nune'e bele fasilita comunidade sira iha suku ho di'ak liu tan", Dulce Guterres Junior, Kordenadóra Jeral PNDS.

Programa treinamentu ida ne'e hetan apresiasaun husi partisipante sira, tanba bele dezenvolve tan kapasidade liu-liu iha area tékniku, atu nune'e sira bele fasilita comunidade sira hodi asegura implementasaun programa PNDS iha Suku hotu. Ami apresia tebes ba treinamentu ne'e tanba bele aumenta tan ami koñesimentu, espesífiku liu iha area tékniku oinsá formula planu no jestaun kona ba obra ida ne'ebé comunidade atu hari'i", Francisca Agata S. Silva Soares, Fasilitador Tékniku Postu Administrativu Ermera Vila, Munisípiu Ermera.

Iha serimónia enserramentu ne'e partisipa mós diretora sistema pagamentu fundus dezenvolvimentu kapitál humanu (FDCH), Alcina Madeira hanesan representante sekretária ezekutivu FDCH, iha ninia intervensaun apresia tebes tanba treinamentu ne'e la'o ho susesu.

Atu hetan informasaun tan:  
[www.pnds.gov.tl](http://www.pnds.gov.tl)  
[info@pnds.gov.tl](mailto:info@pnds.gov.tl)  
 Atu fo imi nia hanoin:  
[keixa@pnds.gov.tl](mailto:keixa@pnds.gov.tl)